

Deo ea propter supplicare, precesque, lachrymas, & gemitus allegare. Atque hæc eo sensu quæquam intelligere veto, quasi Christianus in hac vita possit aut debeat perfectam sanctitatem adipisci. Omnes enim, omnes, inquã, sancti carnẽ & infirmitatem suã sentiunt, ut patet ex Psalterio & Oratione Dominica. Verum sicut summus Deus idcirco nostram justitiam, per quam ipsi placemus, fide voluit apprehendi, illamque in penitissimũ cordis fundum deposuit, ne fucata & hypocritica esset: ita omnes fructus fidei & justitiæ ex cordis fundo oriri oportet, ex quo illos etiam Deus æstimat, & ab impostura & hypocrisi distinguit. Aqua si novã vitam & bona opera quam longissimè volumus abesse, nequaquã consequenter Perfectionem inculcamus; Fieri nulla ratione potest, ut in quo Spiritus S. habitat, in eodem fructus justitiæ & Spiritus *ad Gal. 5.* enumerati non repariantur, & arbor bona ex fructibus suis non agnoscat, ut cunq; illi non perfecti aut angelici, sed multis imperfectionibus notabiles existant. Illud tamen vero verum est, hypocrisin & mendacium resipere illos nõ debere. Equidem

*Vita
Christiana
in
quo consistat.*